

Francho Sarrablo – Entalto Pirineo

Mudanza de purnas en o chel
Rudio y chilos a flor de piel
Mosica de gaitas y curdions
Salterio, chiflo y rocanrol

A nueit s'afogará en o vin
Quan raye l'alba Nabaín
Chilando fura a mía voz
Dica deixar-me o garganchón

Allora torno a preixinar
T'án se'n fueron aquellas chents
Dezaga o fumo d'o lugar
Y o calibo encara rusient

Deixoron tringos en camins
Dengún podeba ixuplidar
Quan se ye preso d'o destín
Bells espellos fan remarar

A vida d'un tiempo pasau
An o esdevenidero fuyió luent
Por ixo ells yeran esclaus
D'a mesma gollada perén

Ixa que agora yo tamién
Veigo quan brillan en a nueit
Os suenyos que no amorta o tiempo
Y dezaga d'a boira, o Pirineo

Entalto Pirineo
Nieu que ye mayenco
Río que será mar

Entalto Pirineo
En nueitz de silencio
As estrelas brillan mas

Entalto Pirineo
Revel d'o cielo
Suenyo a despertar

Entalto Pirineo
Con a voz en o peito
Chilo de libertat

Entalto o Pirineo
Libre d'entibos negros
Que afogan os lugares

Letra y musica: Francho Sarrablo
Batería: Quique Casanova
Guitarra electrica solista: Joaquín Pardinilla
Baixo: Richi Martínez
Voz, coros, guitarras electricas y gaita de boto aragonesa: Francho Sarrablo
Gravau en os estudios Kikos de Zaragoza en 2016 por Richi Martínez como tecnico y director musical, y Francho Sarrablo como productor musical.



O Zager Chilo I
Asociación Cultural Nogará – Religada

